

U skladu sa članom 110. Poslovnika Skupštine Bosansko – podrinjskog kantona Goražde („Službene novine Bosansko-podrinjskog kantona Goražde“ broj:10/08), od 30.06.2008.godine, Skupština Bosansko – podrinjskog kantona Goražde na 21-toj redovnoj sjednici održanoj 31. marta 2009.godine, **d o n o s i:**

D E K L A R A C I J U
o prioritetnoj izgradnji brze ceste B4 Sarajevo - Goražde

Skupština Bosansko – podrinjskog kantona Goražde je na gore pomenutoj tematskoj sjednici ocjenila da je nivo razvijenosti privrede u Bosansko – podrinjskom kantonu Goražde u odnosu na razvijenost privrede u Federaciji Bosne i Hercegovine i ovog dijela opština Republike Srpske i čitave Bosne i Hercegovine u drugim kantonima Federacije Bosne i Hercegovine u znatnom zaostajanju. Broj nezaposlenih radnika u odnosu na ukupan broj zaposlenih u Bosansko – podrinjskom kantonu Goražde je u omjeru skoro 1:1 sa tendencijom porasta broja nezaposlenih, nerazvijenosti privrede i posljedica globalne ekonomske krize koja u pravilu prvo pogađa najnerazvijenija područja kao što je naš Bosansko – podrinjski kanton Goražde. Nemogućnost zapošljavanja mladih, a posebno visoko obrazovnih kadrova ima za posljedicu odlazak sa područja Bosansko – podrinjskog kantona Goražde, a što će u bliskoj budućnosti imati dalje pogoršanje sveukupnog stanja na području Bosansko – podrinjskog kantona Goražde.

Cijenimo da nema potrebe naglašavati kakve bi sve posljedice po Državu Bosnu i Hercegovinu i Federaciju Bosne i Hercegovine imale ove negativne tendencije.

Ministarstvo za privredu Bosansko – podrinjskog kantona Goražde pripremajući materijal za tematsku sjednicu Skupštine Bosansko – podrinjskog kantona Goražde na temu “Privreda i zapošljavanje na području Bosansko – podrinjskog kantona Goražde” obavilo je razgovore u svim privrednim subjektima sa područja Bosansko – podrinjskog kantona Goražde koji smatraju da bi se izgradnjom brze ceste B4 Sarajevo – Goražde – Pljevlja /Auto put Boljari – Bar/ uposlio značajan broj radnika sa evidencije Službe za zapošljavanje, zatim bi se stvorile pretpostavke za brža domaća i strana ulaganja na području Bosansko – podrinjskog kantona Goražde kao i uslovi za ubrzaniji privredni razvoj Bosansko – podrinjskog kantona Goražde.

Izgradnjom brze ceste B4 Sarajevo – Goražde – Pljevlja bi se najbrže krenulo u razvoj privrede i zapošljavanja na području Bosansko – podrinjskog kantona Goražde i zaustavio put odlaska mladih i visokoobrazovnih kadrova u Kanton Sarajevo, kao i druge kantone širom Federacije Bosne i Hercegovine. Takođe bi se stvorile pretpostavke uvezivanja sa putnom infrastrukturom Republike Srpske, Srbije i Crne Gore kao i drugih prostora iz okruženja.

Građani Istočne Bosne ovom Deklaracijom traže od zakonodavne i izvršne vlasti Federacije Bosne i Hercegovine i Kantona Sarajevo da se ispravi istorijska greška načinjena Istočnoj Bosni ukidanjem pruge, neizgradnjom brze ceste Sarajevo – Grebak – Goražde obećane Dejtonskim mirovnim sporazumom.

Izgradnjom ove ceste uvezali bi se gradovi Istočne Bosne sa glavnim gradom Bosne i Hercegovine, a samim tim i koridorom V-C.

Građani i Skupština Bosansko – podrinjskog kantona Goražde očekuju od zakonodavne i izvršne vlasti Federacije Bosne i Hercegovine i Kantona Sarajevo, da se isprave istorijski napravljene greške i u najkraćem roku nalože Federalnoj direkciji za izgradnju, upravljanje i održavanje auto – cesta i Federalnoj direkciji za ceste da otpočnu sa konkretnim aktivnostima na izgradnji brze ceste B4 Sarajevo – Goražde – Pljevlja.

Broj: 01-27-289/09
31. marta 2009.godine
G o r a ž d e

PREDSJEDAVAJUĆI SKUPŠTINE

Alija Begović

Bosna i Hercegovina
Federacija Bosne i Hercegovine
Bosansko-podrinjski kanton Goražde
Skupština Bosansko-podrinjskog
kantona Goražde

Skupština Bosansko-podrinjskog kantona Goražde na sjednici održanoj 31. marta 2009. godine po Deklaraciji o prioritetnoj izgradnji brze ceste B4 Sarajevo-Goražde, donijela je slijedeće:

Z a k l j u č k e

1. Deklaraciju o prioritetnoj izgradnji brze ceste B4 Sarajevo – Goražde, objaviti u “Službenim novinama Bosansko – podrinjskog kantona Goražde”.
2. Zadužuje se Služba za odnose sa javnošću u Bosansko – podrinjskom kantonu Goražde da Deklaraciju o prioritetnoj izgradnji brze ceste B4 Sarajevo – Goražde objavi u elektronskim medijima i u što više printanih medija.
3. Zadužuju se predsjedavajući Skupštine Bosansko – podrinjskog kantona Goražde, premijer Bosansko – podrinjskog kantona Goražde i ministar za privredu Bosansko – podrinjskog kantona Goražde da u cilju brže realizacije stavova iz Deklaracije posjete izvršnu i zakonodavnu vlast Federacije Bosne i Hercegovine i Kantona Sarajevo.
4. Nakon obavljenih razgovora sa Izvršnom i Zakonodavnom vlasti i predstavnicima Kantona Sarajevo neophodno je informisati Skupštinu Bosansko – podrinjskog kantona Goražde o rezultatima pregovora.
5. Predstavnici političkih stranaka će podržati prijedlog na državnom i federalnom nivou od predstavnika predlagača Bosanskohercegovačke patriotske stranke „Sefer Halilović“.

Broj: 01-27-290/09
31. marta 2009. godine
G o r a ž d e

PREDSJEDAVAJUĆI SKUPŠTINE

Begović Alija

Na osnovu Poglavlja IV, Odjeljak A, člana 23. Ustava Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 8/98, 10/00 i 5/03/ i članova 106. i 108. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 10/08/, Skupština Bosansko-podrinjskog kantona Goražde, na sjednici održanoj 31. marta 2009. godine, donijela je:

O D L U K U

O IZMJENAMA I DOPUNAMA ODLUKE O IZBORU STALNIH I POVREMENIH RADNIH TIJELA SKUPŠTINE BOSANSKO-PODRINJSKOG KANTONA GORAŽDE

Član 1.

U članu 1. b/ tačka 5. Odluke o izboru stalnih i povremenih radnih tijela Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 16/08 i 2/09/, umjesto imena Hodžić Albina upisuje se ime Fejzić Sanela.

Član 2.

Ova Odluka stupa na snagu danom objavljivanja u „Službenim novinama Bosansko-podrinjskog kantona Goražde“ .

Broj: 01-05-291/09
31. marta 2009. godine
G o r a ž d e

PREDSJEDAVAJUĆI SKUPŠTINE

Alija Begović

Na osnovu Poglavlja IV, Odjeljak A, člana 23. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/08, 10/00 i 5/03), člana 108. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 10/08), te člana 40. stav (4) i člana 41. Zakona o dugu i zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07), Skupština Bosansko-podrinjskog kantona Goražde, na sjednici održanoj 31. marta 2009. godine, **d o n o s i:**

O D L U K U
o davanju prethodne saglasnosti na kreditno zaduženje
po Projektu Modernizacija bolnica-Faza II

Član 1.

Daje se prethodna saglasnost na kreditno zaduženje Bosansko-podrinjskog kantona Goražde za potrebe JZU Kantonalna bolnica Goražde na iznos do 5.000.000 KM (pet miliona konvertibilnih maraka), koji će se realizovati iz kredita The Export-Import Bank of Korea, pod slijedećim uslovima:

- rok otplate kredita je:..... 22 godine, uključujući i grace period,
- grace period:5 godina,
- kamatna stopa:1,5 % godišnje,
- dospjeća:polugodišnja, u jednakim anuitetima,
- valuta povlačenja i vraćanja kredita:.....korejski von (Korean Won),
- naknada banke:jednokratno 0,1% na iznos svake isplate po kreditu,
- iz kreditnih sredstava ne mogu se plaćati:..... carina, porezi i druge dažbine.

Član 2.

Kreditna sredstva će se koristiti za nabavku medicinske opreme za potrebe JZU Kantonalna bolnica Goražde s ciljem povećanja kvaliteta pružanja medicinske zaštite, a otplaćivaće se iz Budžeta Bosansko-podrinjskog kantona Goražde.

Član 3.

Kreditna sredstva iz Člana 1. ove Odluke realizirat će se u skladu sa Sporazumom o zajmu zaključenom između Vijeća ministara Bosne i Hercegovine i Vlade Republike Koreje, te Odlukom Vlade Federacije BiH o davanju saglasnosti za zaključivanje supsidijarnog ugovora između Bosne i Hercegovine i Federacije Bosne i Hercegovine za kredit Export-Import banke Koreje za Projekat „Modernizacije bolnica u Bosni i Hercegovini – Faza II“, V broj: 1099/08 od 23.12.2008. godine.

Član 4.

Nakon provedenih procedura po Sporazumu o zajmu zaključenom između Vijeća ministara Bosne i Hercegovine i Vlade Republike Koreje, Ministarstvo za socijalnu politiku, zdravstvo, raseljena lica i izbjeglice i Ministarstvo za finansije Bosansko-podrinjskog kantona Goražde će predložiti, Vladi i Skupštini Bosansko-podrinjskog kantona Goražde, donošenje odluke o kreditnom zaduženju.

Član 5.

Za realizaciju ove Odluke zadužuje se Ministarstvo za socijalnu politiku, zdravstvo, raseljena lica i izbjeglice, JZU Kantonalna bolnica i Ministarstvo za finansije Bosansko-podrinjskog kantona Goražde, svako u okviru svoje nadležnosti.

Član 6.

Ova Odluka stupa na snagu danom objavljivanja u „Službenim novinama Bosansko-podrinjskog kantona Goražde“.

Broj: 01-14-292/09
31. marta 2009. godine
G o r a ž d e

PREDSJEDAVAJUĆI SKUPŠTINE

Begović Alija

Na osnovu člana 109. stav (2) Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 10/08) te člana 40. stav (4) i člana 41. Zakona o dugu i zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, broj 86/07), Skupština Bosansko-podrinjskog kantona Goražde, na sjednici održanoj 31. marta 2009.godine, **d o n o s i:**

ZAKLJUČAK

o prihvatanju finansiranja Projekta opremanja medicinskom opremom JZU Kantonalna bolnica Goražde sredstvima po osnovu Sporazuma o finansijskoj saradnji između Vijeća ministara BiH i Vlade Republike Austrije

I

Prihvata se finansiranje Projekta opremanja medicinskom opremom JZU Kantonalna bolnica Goražde sredstvima kredita po Sporazumu između Vijeća ministara Bosne i Hercegovine i Vlade Republike Austrije o finansijskoj saradnji («Službeni glasnik BiH», broj 11/06), u ukupnom iznosu od 3.950.000 € .

II

Kreditna sredstva iz tačke I ovog Zaključka odobravaju se Bosansko-podrinjskom kantonu Goražde pod slijedećim uslovima :

- rok otplate15 godina
- grace period.....5 godina
- kamatna stopa.....0,90 godišnje
- dospijeće.....polugodišnje, u jednakim anuitetima
- valuta povlačenja i vraćanja kredita..... EUR
- indikativna garancijska provizija.....2,715 % godišnje

ALTERNATIVA stava (1) tačke II :

Kreditna sredstva iz tačke I ovog Zaključka odobravaju se Bosansko-podrinjskom kantonu Goražde pod slijedećim uslovima :

- rok otplate12 godina
- grace period.....4,5 godine
- kamatna stopa.....0,00% godišnje
- dospijeće.....polugodišnje, u jednakim anuitetima
- valuta povlačenja i vraćanja kredita..... EUR
- indikativna garancijska provizija2,494 % godišnje

III

Kredit će se otplaćivati iz Budžeta Bosansko-podrinjskog kantona Goražde, a tehnički dio projekta opremanja će implementirati i realizirati JZU Kantonalna bolnica Goražde.

IV

U periodu implementacije Projekta potrebno je osigurati dodatna sredstva za PDV, carine i ostale naknade koje treba da obezbjede korisnici kredita.

V

Za realizaciju ovog Zaključka zadužuju se Ministarstvo za socijalnu politiku, zdravstvo, raseljena lica i izbjeglice i Ministarstvo za finansije Bosansko-podrinjskog kantona Goražde.

VI

Nakon provedenih procedura po Sporazumu o finansijskoj saradnji između Vijeća ministara BiH i Vlade Republike Austrije, Ministarstvo za socijalnu politiku, zdravstvo, raseljena lica i izbjeglice i Ministarstvo za finansije Bosansko-podrinjskog kantona Goražde će predložiti, Vladi i Skupštini Bosansko-podrinjskog kantona Goražde, donošenje odluke o kreditnom zaduženju.

Broj: 01-14-293/09
31. marta 2009.godine
G o r a ž d e

PREDSJEDAVAJUĆI SKUPŠTINE

Begović Alija